

### 1. SJÅ

#### Fysiske teikn:

- Hyppige fysiske plager som til dømes magesmerter eller hovudverk
- Hyppige diffuse plager
- Blåmerke, spesielt på rygg, bryst, mage, rumpe, kjønnsorgan, venstre øre/kinn, framsida av lår og overarmar
- Blåmerke hjå spedbarn
- Skader med mønster etter gjenstandar
- Stikk- eller kuttskadar
- Brannskadar (døme: svimerker etter sigarett)
- Forstopping/barnet tissar seg ut
- Gjentakande urinvegsinfeksjon
- Smerter/sår i underliv
- Dårlig tannhelse

#### Psykiske teikn:

- Endra humør: meir redd, sint eller trist
- Kraftige reaksjonar på høge lydar eller berøring
- Barnet synest å vere "på vakt" i mange situasjonar
- Konsentrasjonsvanskar
- Skadeleg seksuell åtferd. Les meir på [www.seksuellatferd.no](http://www.seksuellatferd.no)
- Verbal/fysisk aggressiv åtferd
- Svært kontaktsøkande eller avvisande åtferd
- Tilbaketrekking/barnet er meir inneslutta
- Rusbruk
- Søvnvanskar/trøttheit
- Etevanskar (dårlig appetitt, brekningar, overspising)
- Sjølvskading

#### Anna årsak til bekymring:

Familien eller barnet motsèt seg innsyn i familien/kontakt med hjelpeapparat.

### 2. SPØR

#### Førebu deg til samtalen med barnet

- Ring gjerne barnevernet for rettleiing, telefon 56 37 50 82.
- Dersom det er mogleg bør den som snakkar med barnet vere ein barnet allereie har tillit til.
- Skap ein trygg situasjon der du kan snakke med barnet aleine.
- På nettsida [www.snakkemedbarn.no](http://www.snakkemedbarn.no) er det gode råd og tips for samtalar med barn.

#### Start gjerne med:

"Eg har tenkt på det du sa til meg. Fortel litt meir om det."

"Då du sa ... tidlegare i dag, kva meinte du då?"

#### Fortel det du ser:

Kommentèr på barnet sine følelsar, kroppsspråk og åtferd:

"Du ser så sint, trist, lei deg ut..."

"Eg ser du har eit blåmerke på armen din..."

"Kva har skjedd? Fortel det til meg!"



Scan QR-kode for meir informasjon og kontaktinformasjon ved vald og overgrep.

Følg intuisjonen din!

Prøv å sjå bak barnet si åtferd!

#### Tips til samtalen

- Generalisèr:  
"Nokre barn har opplevd ting dei ikkje tør å fortelje om fordi dei er så redde for kva som skal skje om dei fortel nokon om det. Eg lurar på om det er sånn for deg og?"
- Gjenta det barnet fortel. Bruk barnet sine eigne ord. Følg gjerne opp med å seie til barnet: "Fortel meir om det!" "Kva skjedde så?"
- La barnet fortelje mest mogleg fritt.
- Still færrest mogleg spørsmål, spørsmåla du stiller må vera opne.
- Vis at du toler å høyre:  
"Eg toler å høyre alt du fortel til meg".
- Kommentèr på eventuelt eigne følelsar:  
"No ser du at eg får tårer i augo, det går helt fint! Eg toler å høyre alt du fortel til meg, og er så glad for at du gjer det!"
- Ver nysgjerrig på det barnet fortel, men følg med på om barnet verkar i stand til å fortsetje å fortelje.
- Gi barnet tid og tol pausar
- Om barnet ikkje fortel, kan du snakke om gode og vonde hemmelegheiter.
- Sjekk om du har forstått det riktig når barnet er ferdig med å fortelje.
- Gje uttrykk for at det barnet har fortalt er viktig.
- Sei til barnet at du skal gjere det du kan for at barnet skal få hjelp, og at du då må snakke med nokon andre om dette.
- Avtal eit nytt møte med barnet.
- Vis at du er tilgjengeleg seinare: "Eg er her viss du vil snakke med meg igjen"

## 3. HANDLE

### Avvergingsplikt

Alle har plikt til å avverge alvorlege, straffbare handlingar. Om det ikkje er trygt for deg å avverge handlinga, har du likevel plikt til å varsle politiet.

### Meldeplikt

Alle offentleg tilsette har meldeplikt. Viss du har kjennskap til at eit barn vert mishandla, lever i ein valdeleg heim, eller vert utsett for andre former for alvorleg omsorgssvikt, har du plikt til å melde ifrå til barnevernet utan hinder av teieplikt.

**Dersom du er usikker på om situasjonen treng akutt handling, bør du avklare med barneverntenesta om barnet kan sendast heim eller ikkje.**



Scan QR-kode for meir informasjon og kontaktinformasjon ved vald og overgrep

### Kva gjer du ved bekymring for at eit barn er utsett for vald/overgrep?

- Ved akutt bekymring, ring barneverntenesta i Alver på telefon 56 37 50 82 eller politi 112.
- Send bekymringsmelding til barneverntenesta – skjema finn du på Alver kommune si heimeside.
- Ved bekymring for vald/sekuelle overgrep skal ikkje foreldre informerast om at det vert sendt bekymringsmelding.
- Som privatperson kan du melde bekymring anonymt.
- Dersom det tidlegare er sendt bekymringsmelding til barnevernet og du har informasjon om at vald eller overgrep framleis foregår, skal det sendast ei ny bekymringsmelding.
- Ved tydelege fysiske teikn på vald/overgrep er det viktig at barnet vert følgt til legevakt for undersøking og dokumentasjon av skadar.
- Skriv ned det barnet fortel at har skjedd, eller det du har observert som gir bekymring. Notér dato for observasjon.
- For tilsette i Alver kommune: Føl lokal rutine for avdelinga.

Nettressurs: <https://rvtsvest.no/trygg-til-handling/>

### Viktige telefonnummer

#### Ved akutte situasjonar - døgnope:

- Politi: 112
- Legevakt: 116 117
- Ved akutt behov for hjelp frå barneverntenesta, kan du ringe 45 37 56 69. Denne vakttelefonen er open frå klokka 15.35 til 08.00 på kvardagar og døgnopen i helgene.

#### Hjelpetilbod - dagtid:

- Barneverntenesta i Alver: 56 37 50 82
- Konsultasjonsteam om vald og overgrep i Alver: 56 37 55 30
- NOK (Kompetansesenter mot sekuelle overgrep): 55 90 49 90
- Kompetanseteam mot tvangsekteskap og kjønnslemlesting: 47 80 90 50
- Statens barnehus: 55 55 69 00

#### Hjelpetilbod - døgnope:

- Politi: 02800
- Alarmtelefon for barn og unge: 116 111
- Krisesenteret i Bergen: 55 31 50 50
- Overgrepsmottaket ved Bergen Legevakt: 55 55 99 50
- Telefon for seksuelt misbrukte og deira pårørande: 800 57 000